



76  
3059  
28 止



國朝寶鑑別編卷之四

孝宗朝

秋八月應教趙贊上疏曰 大行大王以平城之憂遺我 殿下今宜無忘在宮卧薪嘗膽然後艱大之責有以仰塞臣曾忝宮僚知 殿下之志可以大有為也竊聞丁丑以後宗廟祝辭朝臣告身只書歲月不用年號此乃 大行大王所定之制也目今玉冊誌石乃宗廟百世所傳之器終天所藏之物今若一誤後悔莫及并勿書年號凡喪制祝式



亦只用歲月以伸 先王當日之心 上密  
令大臣議領敦寧府事金尚憲以為不用贊  
言後必無及 上從之○冬十一月司僕寺  
正宋時烈具冊子上疏其貼黃曰孔子作春  
秋以明大一統之義凡有血氣之類莫不知  
中國之當尊不幸頃者舉國淪陷繼值甲申  
天下無主以 先王德義之盛兵力寡弱將  
相頑蠢卒未免大恥 殿下天錫勇智威德  
已著皇天之眷顧 先王之付托意必有在  
固知聖慮之必已默定然不量時勢禍敗先

至則亦非 先王忍恥屈已以延宗社之本  
意也伏願堅定於心忍痛含冤期以五年七  
年以至於十年二十年而不解則縱未提戈  
以報罔極之恩猶或閉關以守吾義之正矣  
○丙子忠臣吳達濟母歿 上命戶曹優賜  
喪需鄭雷卿老母亦依 先朝調恤之命繼  
其廩給

**庚寅**元年春三月領議政李景奭大提學趙綱  
安置白馬山城初 上自即位以來斥黜貪  
婪嚮用名節修明軍政慨然為自強之策逆

臣金自黜為臺臣所論劾免相屏居自知前後負犯不可復廁於搢紳日夜羞愧怨望暗啖逆譯李馨長密通國中機事於逆虜鄭命壽曰 新主盡黜舊臣進用斥和人金尚憲金集等將欲舉兵北伐遂密送趙綱所撰長陵誌文以為不書清年號之證左復引鄭太和赴燕時以慶尚監司李晏東萊府使盧協狀啓有倭情叵測之語力請繕修城池甲兵者以為經營北伐之證左於是清人積疑於我乃遣六使以查為名至義州景奭慨然請

往義州身當其事路逢清使還入京清使令

公卿兩司會于南別宮問皇帝攝政王

癸未八月

清可汗祖廟號太宗子福臨立改元順治

致祭而無致謝攝政王文書及吊祭時不哭

等諸事景奭顏色不變從容應答皆引以為

已咎清使又以誌文事詰綱狀啓事詰晏協

景奭亦從傍辨析一一歸已明日 上幸館

所清使請景奭綱二人並置極刑 上反覆

開諭辭旨諄切清使等自在藩館已服 上

威德乃請安置二人於白馬山城以待皇旨

上許之亡何並宥還○夏五月將立仁祖  
練主上以贈謚之書與不書密議于大臣  
領議政李敬輿以為仁祖以樂天之仁為  
宗社生民計而萬折必東之誠何嘗一日忘  
哉臣嘗入侍語及皇明嗚咽不能言他日升  
祔之後清廟肅雖列朝陟降寶座相聯昭  
穆儼列而神位所題謚號上二字獨有異同  
則亦非先朝十二年薪膽之本心合有權  
宜之道也於是上命題主官左副承旨申  
濡只書本朝所上廟號謚號○冬閏十一月

上問戶曹判書元斗杓曰戶曹綿布分置江  
都者幾何斗杓對曰江都儲穀今為六萬餘  
石而綿布則未之儲也上喟然歎曰若使  
君臣上下協力修攘天運循環豈無可乘之  
會乃因循玩愒國事日非令人仰屋而已京  
倉米布卿其從便輸儲於江都也

**辛卯**二年冬十二月逆譯李馨長伏誅馨長受  
金自點啖囑以我國機事密通於逆虜鄭命  
壽及自點父子伏法馨長赴燕未及施律至  
是始還到灣上上發遣禁府都事拿來鞠

問取服而轅之

**壬辰**三年夏五月 上與筵臣語及戎政曰李廣程不識皆漢之名將而不識則正部曲擊刃斗廣則遠斥候未嘗遇害蓋三軍之命繫於斥候不可不謹也予嘗見清人治兵之術鍊精軍務慣習兵法行陣肅然弓鏃勁利而又必使其最親信者偵探斥候觀變以動其所以戰勝攻取皆由斥候丙子之亂為將者專昧於此如申景瑗則既不能戰又不能走我國將帥有愧隣國多矣大抵用武之道寧

失之麤厲不可失之軟拙而今備局郎不取其智力但取其識字伶俐者此便是一書生臨陳對敵尚安用書生為哉校理閔鼎重曰得入之道惟在以誠求之世雖有諸葛之才不求則何由而至哉 上曰國雖小未必無人况環東土數千里之地豈曰無人也哉予欲設觀武才以揀武士然恐煩聽聞以是咨且也鼎重曰觀武才自 祖宗朝已行之非後世之所新創也豈有煩聽聞之理哉今若以時設行簡取鍊習則庶可以激發士氣也

上曰然昔句踐見怒蛙而式之所以尚其氣也古之人經營軍國大事無所不用其極蓋如此矣○六月增置御營軍先是仁祖朝李曙建議訓局軍兵之外別置親兵如唐左右廂之制以為緩急侍衛之軍無論京外公私賤以各技招募試閱砲者試砲願射者試射有膂力者舉沙石試力抄得四千餘人身手俱健技藝精銳名曰御營軍每十月十五日上番明年二月十六日罷遣以為合冰時待變之卒及上即位使李浣掌之增定

規模汰老弱不才者改正其軍案元額二萬一千餘人各給三保每一千人踐更于京中滿二朔始許替番一年十二朔上番之數摠六千人周而復始就三保中抽出一保使戶首徵其番布以為本軍上番往來資裝之費其餘二保則山郡收布二疋海邑收米十二斗布為二百餘同米為一萬三千餘石設倉于京江每歲輸納以繼其糧餉而不煩於度支使大將主管置都提調一員以大臣領之提調一員兵曹判書例兼文武郎各一員分

國朝實錄卷之四  
掌軍兵糧餉先是左議政金堉再上劄言其  
無益有害然上方銳意修攘之大政故不  
納焉○秋九月上召見禁軍別將教曰天  
下事未可知宿衛親兵初設之初務令戢睦  
歲久操練其於腹心爪牙之衛夫豈無實效  
哉昌德宮後苑可作試場自今除都試代以  
朔試射計畫給祿亦足為激勵之一道昔唐  
太宗嘗引禁兵親教以射况今枕戈之日乎  
我國騎射者不肯伏於馬鞍故易受敵矢彼  
人見輒大笑須將此意戒飭禁軍凡馳馬之

際慎勿令如前也臂匣掌匣特一文具中原  
人雖大官袖狹容臂而已何必別為臂匣乎  
五禮儀所畫角指無其舌蓋取握劍之便也  
清人戎器略同中原獨劍制頗益輕便步卒  
長其柄騎兵短其柄弓帟垂纓劍頭繫繩皆  
妙法也

**癸巳**四年春三月命贈丙子忠臣洪翼漢都承  
旨尹集副提學吳達濟左承旨○秋七月命  
立壬辰忠臣元豪丙子忠臣洪命考祠於金  
化以擬睢陽雙廟從左議政金堉之言也○



國朝年表金另錄卷之四  
命誅逆虜鄭命壽族黨之在關西者命壽導  
清毒虐於我國十倍劉海之於明朝末乃以  
其所生邑殷山縣請陞為府上自公卿下至  
守宰皆被其詆罵由是一國之人皆切齒甘  
心然勢無奈何至是上命平安道觀察使  
許積查錄命壽族黨數十人分輕重以啓  
上欲盡誅之領議政鄭太和曰此輩不可盡  
殺當誅其尤者而流其輕者如張繼禹金男  
韓德連骨大民等藉命壽之勢或威脅兵使  
或擅殺嘉山鄉任此可殺也左議政金堉如

太和言獨右議政李時白不欲汲汲以激彼  
怒上曰不然凡事莫不有機會機會不可  
失也此類今若置之將舉一道全棄何以慰  
西民也卒置法不貸朝野莫不快之

**甲午**五年秋七月遣北虞候邊岌與清兵擊破  
羅禪是年二月清差韓巨源來進禮部咨曰  
選烏槍善手一百人由會寧府聽昂邦章京  
率領往征羅禪以三月初十日到寧古塔云  
上遂命岌如其言往援至是岌逐羅禪還  
上嘉其孤軍深入全師而歸命加岌一資他

國朝實錄卷之四  
日爰以輪對武臣入侍 上問征羅禪始末  
及地理形便爰對曰自會寧北行八日至寧  
古塔有木城頗小僅容三百家其將名尼哈  
里者頗解事又行百里至忽可江船行百里  
則忽可江與寧古江合流地勢漸下又五日  
達會通江又六日到曰哈境則雲羅江與會  
通江合流名為後通江蓋自寧古抵曰哈水  
路十四日程旱路二千四百餘里也至是始  
遇賊船大可載三百石者十三隻小如倭船  
者二十六隻所乘男女僅四百人貌皆蠻子

衣皆黃錦清將遂以曰哈三百清兵三百陣  
于江邊地勢最高處以柳棚列峙岸上令我  
軍依蔽放砲賊船體大無櫓不敢為進鬪計  
聞砲漸退揚帆順流而走黑龍江清人言黑  
龍下流有魚皮槌子上流有復哈部落此賊  
從陸地來掠復哈及復哈降附始造船來戰  
云其船不用鐵釘但以木索纏縛也復問曰  
哈之俗對曰其俗甚畏砲聲聞砲聲則男抱  
耳卧女皆驚仆矣後清再請兵伐羅禪以糧  
餉難運辭之

乙未 六年春正月諭江華留守鄭世規曰江都之民於丙子之亂十無一存幸而生者父失其子妻失其夫語及亂離至今流涕國家當蠲稅以紓其力古人云繭絲乎保障乎保障之道得民為上苟失民心雖儲百萬之穀亦何益也

丙申 七年夏六月命製鳥銃令軍兵肄習先是我國壬辰敗績由不知鳥銃之制後因漂蠻始得其制丙子彼人甚畏之乃兵家長技至是命訓局廣造肄習○上御召對進善權認

奏曰臣在田野竊聞 聖上有不忘中國之志云果若有志必須夙夜不懈終始無間使一號令一舉措皆可為萬民所服則人皆曰有君如此何事不做咸有愛戴之心舉懷死上之志惟如此然後大事可成也 上以為然

丁酉 八年春正月 上御經筵講詩之蓼莪篇每讀一句玉音悽惋講訖教曰詩本性情故其感人為易入至於蓼莪一篇尤使人戚戚于中方今國有羞耻上下含忍度日予將何

國朝寶鑑卷之四  
面目歸拜 先王乎仍嗚咽不已左右皆感  
動流涕莫敢仰視○秋八月贊善宋時烈進  
冊子上疏略曰三綱五常天之經地之義人  
得以為人國得以為國其中最大尤切者仁  
莫大於父子義莫大於君臣君臣之中受恩  
罔極又未有若本朝之於皇朝也竊聞今日  
一脈正統偏寄南方萬里鯨波信息難傳而  
精誠所在無遠不屆一國文武豈無忠臣應  
募遠行者乎臣雖駑劣亟欲潛行以達吾君  
忠義之心假使未達溺死層波萬萬甘心榮

幸也議者皆謂懼煩聽聞軍政可廢竊以為  
不然事變之端不知發於何時豈可無倉卒  
應變之具乎朱子曰但移浮費以為養兵之  
資今日急務悉除百為只以養民養兵為事  
則固本有備國事可為也春秋綱目一主大  
一統蓋大統不明則人道乖亂人道乖亂則  
國隨以亡許衡以儒者失身胡元乃以帝堯  
大統接之女真且於遼金稱大而以列國待  
宋遂以醜差之說倡於天下伏願黜去許衡  
從祀之位焉○冬十月命賜故左議政金尚

國朝年錄卷之四  
憲謚曰文正故叅判鄭蘊謚曰文簡○上引見宋浚吉語及大明之亂亡慨恨不已浚吉曰福建一隅尚有偏安者云然否 上曰聞南京之南朱氏復立爰初草創荒耽酒色旋為清人所滅福建廣東繼有朱氏並立而福建尤微弱與海賊鄭芝龍之子輔車相依廣東兵力稍盛且得張搃兵倚仗故清人不敢窺僅守九江口云矣亡何浚吉進袖劄言唐明皇幸蜀高麗遣使貢問明皇喜甚作詩送之宋之南渡麗方受制於金而亦遣使貢問

至今為史家美譚我朝三百年服事大明其情義固不可言而 神宗再造之恩開闢以來所未聞於載籍者 宣祖嘗謂義則君臣恩猶父子誠真切語也今帝室之胄偏安廣福而我國漠然不相問其視麗朝豈不有愧耶濟州一島遮據南海漢船多遇風泊岸云擇從臣之忠信可仗者授以濟任俾通水路繼以使价則數十年冤鬱之誠庶可一朝達于天朝也 上曰劄本當留置從容觀覽也

**戊戌**九年秋九月 上台禮曹叅判宋時烈贊

善宋浚吉語之曰今日之事尚忍言哉日就委靡苟冀無事而已時烈曰朱子以南北再成中外無事為痛恨蓋以當時羣臣狃於無事而惰於振作也故朱子以為專以養兵養民為事此外了然無事則猶可為也 上曰當今之病在於姑息無擔當國事者必得同志之士可與共國○冬十月 上御召對吏曹判書宋時烈奏曰昔 宣廟嘗教曰去一私字則秀吉之頭可致今 殿下因臣一言即停燕賀臣實欽仰大抵為國之道當以我

國之寶玉為他國之鳩毒何可以他國之寶玉為我國之鳩毒乎 上遂命並罷彩玉之賀

國朝寶鑑別編卷之四

國朝寶鑑別編卷之五

顯宗朝

**己亥**冬十月左叅贊宋時烈上劄曰 列聖徽  
號例用十字而今日所上只宣文以下八字  
其上二字昧然闕之若有所貶損者然夫以  
大行大王之盛德至善而之所以稱羨述行  
者若是其苟簡乎願與二三大臣及禮官密  
議補闕 上台領議政鄭太和示其劄曰劄  
意蓋欲自我國加上二字以繼 列聖十字  
之謚也太和對曰 仁祖謚號既用八字則

獨於 大行大王加上二字無乃未安乎當  
一依 仁祖朝例也沈之源對如太和於是  
上以手札親封踏啓字遣史官密問于時烈  
時烈亦親自封進故徃復之語不傳而謚號  
則竟從太和言○告計使鄭維城自燕復命  
進明季遺聞即南京人所述弘光隆武永曆  
事也

**庚子**元年春三月命除趙始大職始大故司書  
全素之子也全素陪昭顯世子入瀋以端午  
問安東還時 孝宗以大君亦在瀋親題七

言絕句一篇以賜全素至是始大進之 上  
初命除六品職掌令許穆論其過遂命除相  
當職

**辛丑**二年夏四月以故弼善尹焯故禁府都事  
權順長故生負金益兼從享江都忠烈祠焯  
叅議焯之弟順長監司盡已之子益兼叅判  
槃之子皆殉節於江都至是副提學俞榮建  
請從享

**丁未**八年秋七月賜額于故忠臣金應河鐵原  
祠廟曰褒忠



國朝年錄卷之三  
二  
**戊申**九年春三月命修愍忠壇致祭於皇明東  
征將士先是壬辰之亂皇朝為東征將士死  
事者設壇賜祭名其壇曰愍忠在弘濟院傍  
丙子以後廢而不行至是戶曹判書金佐明  
請修舉其禮 上從之○冬十月判中樞府  
事宋時烈白 上曰講院吏姜孝元當故弼  
善鄭雷卿謀殺鄭命壽也與之同事及事發  
同事者皆謀免孝元獨死之星州砲手李士  
龍以徵兵赴瀋臨戰去丸發空砲期不負中  
國事覺被殺二人者合舉褒典以扶節義

上命孝元子與孫免賤士龍妻舉恤典其子  
善錄用

**己酉**十年春正月命贈永興人劉得清宋繼南  
職得清子宗一亦贈職得清壬辰與倭戰被  
執不屈死繼南登武科丁卯以使臣軍官入  
北守義不屈宗一亦死於丙子亂故有是命  
繼南子仲賢時為南兵營將官亦命調用○  
二月命錄用故忠臣李時稷後孫贈故忠臣  
鄭百亨職時稷百亨皆江都死節人也

**辛亥**十二年夏五月 上聞故忠臣吳達濟妻

國朝寶鑑別編卷之五  
與子俱歿命給喪需

國朝寶鑑別編卷之五

國朝寶鑑別編卷之六

英宗御製

肅宗朝別編凡例

一嗚呼我

聖考體

孝廟之大義尊周盛

德燦明於青丘誠可以亘萬古不泯矣而

今於寶鑑未能首錄曷勝痛心姑成別編

以俟後世焉

英宗己酉十一月初三日  
以御筆書下使之弁卷

國朝寶鑑別編卷之六

肅宗朝

**乙卯**元年夏閏五月大明人韓登科劉太山金長生等上言願得糧資曰俱以中原飄零之人寄托本國已過四十餘年值此大無溝壑迫頭臣登科年八十大山五十九長生六十異國之人日薄西山登科壬辰征倭時備禦韓宗功之孫豈無微勞之可紀乎下戶曹戶曹請酌給衣食之資允之

**丙辰**二年春正月 上引見尹鐳示一紙御製

國朝寶鑑卷之六  
曰詩云戰矢橐弓甚矣兵非聖人之所尚也  
蓋兵不可以全除亦不可以常用雖以古史  
觀之勾踐之伐吳也卧薪嘗膽十年生聚十  
年教訓竟至沼吳之捷卿則以我國之偏小  
以不教之弱卒長驅進前是計予則以為不  
然也我國綱紀解弛人不畏法恐或流入於  
彼則圖虛名而受實禍不待智者而可想

**庚申**六年冬十月復賜大明流來人韓登科劉  
太山等衣資仍命限生前給料兩人曾於乙  
卯並蒙衣食之賜至是復上言丐息戶曹以

登科年老請只給登科料 上以同是流落  
之漢人特命一體題給

**辛酉**七年春正月召對玉堂官講書訖侍講官  
趙持謙曰曾在丙子之亂彼人索我當初斥  
和之臣朝廷不得已以吳達濟尹集洪翼漢  
等三臣出送及其辭朝之日 仁祖知其往  
而必死故賜酒泣下而諭之曰爾等父母妻  
子予當撫恤其後朝廷並官其遺孤而三家  
子弟皆夭扎陵替貧窮無依殊甚矜惻即今  
存者未知幾許而令該曹訪問並為收錄若

其幼穉不堪從仕者則亦依鄭夢周子孫例一體廩養實合於聖朝崇節之道 上曰達濟等三人當危急之秋秉義殉節往就死地如赴樂土竟至殞命於異域而且不知其歿於何地尤可矜惻言於該曹收錄其子孫食物亦為題給承旨李師命仍請特建祠宇於南漢山城並列俎豆 上令議大臣處之大臣皆以為可遂立祠名以顯節後以金尚憲鄭蘊並享○秋七月命旌故執義尹宣舉妻李氏閭晝講時知事李敏叙白 上曰丙丁

亂後節義表著者幾盡旌褒而獨於尹宣舉妻李氏闕焉蓋李氏當賊鋒將迫恐被污辱先自引決從容就死義烈尤卓而宣舉以其有約而不能並死有所痛恨一生以罪人自處不欲其以此上請於朝故其家尚未敢陳聞義烈彰著舉世所知宜有棹楔之典矣 上令該曹特為旌閭○命丁卯殉節諸臣宜春君南以興等十六人建祠於安州山城先是承旨鄭維岳奉使關西還白 上請以丁卯戰亡諸臣平安兵使南以興安州防禦使

國朝寶鑑卷之六  
三  
金浚虞侯朴命龍等立祠於殉節之地備局  
覆奏許立三人祠兵使李世華既成祠宇並  
舉其時戰亡江界府使李尚安等十三人為  
請未果行至是觀察使柳尚運詢於年老民  
人及覩丁卯事者啓陳李尚安及龍川府使  
李希建左營將价川郡守張暎孟山縣監宋  
德榮泰川縣監金良彥龜城府使全尚毅博  
川郡守尹惠永柔縣令宋圖南訓鍊奉事金  
彥壽咸應秀韓德文千搃林忠恕中軍梁晉  
國等同守本城力戰備禦城陷自焚之狀請

同享以崇獎激勸禮曹覆奏請許之以以興  
浚命龍主祠而尚安等十三人從其爵位分  
配東西 上從之遂宣祠額曰忠愍遣禮曹  
郎官賜祭○冬十月命旌故武臣張繼先吳  
稷之閭兩人從軍於深河之役力戰死之  
孝宗朝命皆贈官至是其後孫等上言乞旌  
閭禮曹以既蒙贈典不許 上特命並旌閭  
**壬戌**八年夏六月引見大臣備局諸臣金錫胄  
言我國丁丑後通信中朝船人竒里金彼清  
人詰問慘施刑罰至着竹簽於十指之端而

終閉口而死志節誠士大夫所不及鄭載嵩亦陳其父太和深嘉節義手錄留藏之事上深加歎賞特命詢訪子孫而用之屬役者免役又命載嵩進所錄文字

**癸亥**

九年春二月行司直朴世采入城陳疏

上遣史官使之從速入來世采詣闕上引見慰諭世采辭謝仍進短劄一封上曰當從容披覽而留念仍命直宿禁中以備訪問又令該曹題給食物世采所進劄子凡三條其一論私慾之妨乾剛以向時追錄勲籍事

為非而引趙光祖請削靖國功臣濫參事其二論破朋黨之道以為一番人非係逆獄奸黨者當參用其三論復讎雪恥之義○領府事宋時烈上疏曰洪惟我孝宗大王以上聖之資當九五之運規模廣大謨猷宏遠蓋不但謹守邦域蓋嘗曰予固以仁義之道明天理定人心勅我五典而成敗禍福非予所能逆覩此志卓然如青天白日蓋嘗於大臣李敬輿之疏批有曰至痛在心日暮途遠又嘗於萬壽殿開基之日托以親自奉審獨與

可語諸臣脫略堂陛話語密勿明示聖志之所在使聖壽靈長則其不但已也審矣上天不仁弓劍遽遺至今追思孰不隕心椎骨為天下痛恨哉昔孔子作春秋以空言垂王法而孟子乃列其功於禹之抑洪水武王之兼夷狄周公之驅猛獸而以當一治之數者誠以其懼亂臣賊子之功不下於三聖之施諸行事也今我孝宗大王論其德則既無間然而舉其功則其所以立仁義之道使天理明而人心正天叙勅而五典惇則其深切著

明以範圍天地者豈下於春秋哉是宜追崇尊尚形容德美加隆廟儀以為百世不遷之宗使仁義常行而天理常明人心常正終至於五典常惇則其在後聖雖未保遽成志事亦可使重陰之底陽德昭著終必有七日之復矣傳曰盛德至善民之不能忘也書曰七世之廟可以觀德百世不遷苟無其禮則已如曰有之則非我孝廟而伊誰哉伏乞俯詢于大臣以下及館學章甫如有一人以臣言為妄則臣請伏誣罔之罪答曰䟽辭儘合



予意欲為博詢大臣而定行仍命大臣二品  
以上及三司諸臣會議賓廳大臣金壽恒閔  
鼎重金壽興李尚真等議曰 孝宗大王以  
功則莫大以德則莫盛義烈所及固將推四  
海而準矣宋時烈疏中所陳誠百世不易之  
論尊為不祧之室世世祀獻允合典禮諸臣  
議皆與大臣同傳曰 孝宗大王聖德神功  
卓越千古尊為世室永代不遷實合今日君  
臣追慕之至願其令禮官斯速舉行○三月  
御晝講吏曹叅議朴世采引朱子明年太歲

在涪灘之詩縷縷陳復讎之義又請臨筵講  
讀之時自 上發問論難而或使筵臣辨析  
或使筵臣論難而自 上從而辨之 上並  
嘉納之○白虹貫日引見時任原任大臣二  
品以上三司長官詢弭災之策領議政金壽  
恒請益加聖學以商宗周宣為期 上曰向  
時彼罪人中就其輕者欲為收用何如壽恒  
曰當與他大臣相議臨罷 上命留大臣及  
三大將諭以若彼中有事則我國亦豈無事  
乎藉令無外憂古有顯史蕭牆之說將兵之

國朝年表卷之六  
臣宜各別惕慮○夏四月備局引見時禮曹判書南二星曰頃因趙持謙所達丙子死節臣洪翼漢妻子子婦殉節實跡令該曹訪問矣江都陷沒時翼漢後妻許氏遇賊不屈前妻子晬元身翼蔽許氏受刃而死許氏率乃赴水死晬元妻李氏亦自刎死此事詳在於宋時烈所撰翼漢墓文其言豈不信而有徵乎領議政金壽恒曰翼漢身扶大義為國殺身而忠孝義烈並萃一門殊可尚也 上命並旌三人門○秋九月夜對玉堂官 上曰

水旱灾沴比年荐行究其原則皆由寡昧之失德而朝著分朋已成乖激之風此亦召灾之道諸臣不可不念仍命宣醞曰纔有戒酒之命諸臣隨量毋過飲論及明史曰 神皇於我國實有罔極之恩壬辰之亂若非 神皇之救濟則我國當至何如地也丙丁事雖出不得已而慕向 大明之心正宜沒世而不忘也

**丁卯**十三年春二月夜對玉堂官承旨申啓華曰宋高宗雖不能收復祖宗舊境猶且偏安

國朝寶鑑卷之六  
江左保有百餘年而皇明則不然弘光南渡後分崩離析一片江左亦不能保全可勝歎哉 上曰 神宗皇帝於我國有萬世不忘之功矣當壬辰板蕩之日苟非 神宗皇帝動天下之兵則我邦其何以再造而得有今日乎皇朝之速亡未必不由於東征而我國國小力弱既不能復讎雪恥弘光南渡之後亦漠然不知其存亡每念至此未嘗不慨恨也啓華及王堂官金構宋疇錫齊聲曰 聖慮及此不勝欽仰矣

戊辰十四年春二月幸寧陵還次廣州山城乘步輦登西將臺只令承旨史官王堂侍衛諸臣從之 上曰予今日來臨此處追懷往事不覺愴然仍周覽形勢下教曰軍餉不足是為欠矣而地勢則實天險也崔錫鼎尹德駿等以繼述奮發之意進劄陳戒 上嘉納之金壽興言申誠立池汝海戰亡之慘徐欣男為國之誠宜有獎褒之道 上命收用其子孫南九萬又言三學士洪翼漢等建祠命下之後因年凶尚未舉行 上命速立祠

國朝寶鑑卷之六  
九  
癸酉十九年春三月命招湖堂被薦人閔昌道  
洪整等賦詩 上出御題披衣憶皇恩七言  
十韻律詩下教曰 宣祖朝大明衣神宗皇  
帝所賜蟒龍衣一領屢經兵燹至今猶存每  
當披見追憶皇恩一倍傷神未嘗一日忘也  
茲以此題揭示嗟爾學士其各言志○夏五  
月 上幸永昭殿行酌獻禮御隆武堂引見  
大臣及從臣 上曰此堂舊名觀聚試閱武  
士時為其地狹稍加恢拓而改扁隆武頃製  
四首絕句二首則揭日新軒二首則揭此堂

諸臣其各和進隆武堂御製詩曰藩邦偏荷  
聖明恩厚德深仁永不讓可耐胡塵昏海內  
欲言往事淚先吞其二曰薪膽于今二十年  
壯心未遂若恫纏尊周大義何時忘快把龍  
泉定四地日新軒在隆武堂東南有御製記  
與詩其記曰今予嗣服十有八年之冬命內  
臣董其事撤觀聚之舊閣而移建之揭隆武  
之新號而恢拓之為其試閱之不便也越翌  
年癸酉又命有司於堂之東南別構一小軒  
為其地勢高峻無所障蔽有非九重深邃之

國朝集賢堂  
體也功既成不可無華額遂以名之曰日新  
蓋取諸盤銘所謂日新又新也大抵天下之  
事不日新則必日退而况人主一心出治之  
本萬化之源苟不日新其德而振作之則何  
以建中于民哉是以成湯大聖也而仲虺猶  
以德日新萬邦惟懷惓惓告戒湯亦以是銘  
其器以自警之君臣交相儆戒誠意藹然數  
千載之下有足興感而推演厥義何莫不然  
今夫學有所未盡則思所以日新之德有所  
未修則思所以日新之聽言之道不恢則思

所以日新之作人之方不古則思所以日新  
之懷保之澤未究則思所以日新之自強之  
策未至則思所以日新之隨事省察終始惟  
一而若其日新之本必自割斷一箇私字而  
始果能私欲退聽靈臺泰然則德修罔覺而  
治效日新庶乎其不悖於命名之意焉國家  
無疆之休其在斯矣其在斯矣詩曰朝朝仔  
細省吾躬偏處恒由粗暴中欲去病源何着  
力須將涵養倍加功其二曰羣彥方欣已彙  
征即今朝著日清明任賢勿貳垂昭戒際遇

要孚一箇誠

**丁丑**二十三年冬十二月傳曰林慶業之不為預知兇謀之狀業已 聖祖之所洞燭而逃入中原一欵事雖未成志在尊周當時 聖祖之屢勤嗟惜自有微意則追 聖祖之志昭洗丹書獎其扶義恐無不可也特為復官賜祭

**己卯**二十五年冬十一月 上下教曰甲申之事尚忍言哉其時皇朝女人之化離託身殊方者不啻一二人而皆已身故只有崔回姐

一人而侍衛累朝年迫八十宜有別樣軫念之道其令吏曹特賜尚宮教旨亦令地部優給衣資食物

**庚辰**二十六年秋九月御書講先時中朝人康世爵流落於我國北地通慶源府妓多產子女因道臣狀請許贖其所生至是侍讀官尹趾仁奏言康世爵是荆產而皇朝衣冠之族也其曾祖佑戰死於蒙古其祖霖壬辰年從楊鎬東來又死於平山地世爵與其父國泰在劉綎軍中牛毛嶺之戰國泰又戰死世爵

脫身流離轉至我境居生於會寧地而頗有忠義之氣北人衣服之資皆資清差而終不傳於身臨死戒子孫使之同居其子孫十餘人今方同居一籬之內北俗頗有觀感之效宜贈以一命之官或錄用其子孫 上嘉之命追贈祖先錄用子孫

**癸未**二十九年夏六月 上教曰楊經理宣武祠在於崇禮門內 宣廟親書再造藩邦四字揭之我國家賴 神宗皇帝之德得至今日實有生死肉骨之恩而天地翻覆事異前

日昔予於迎勅往來之路顧瞻遺祠感慨于中其別遣官致祭○上送勅後歷過南關王廟揖而立顧近侍曰此是生像比東廟塑像大有生氣矣指西壁隅僧像曰此何為而設也近侍對曰俗稱普淨長老也 上頷之上又曰武安精忠大節萬古昭昭予之所嘗深慕而送勅之後歷入遺廟瞻揖塑像曠感尤深令人怒髮衝冠矣○冬十二月台對玉堂官講東國通鑑至高麗安市城事 上歎曰高麗一小國耳以善守城名能抗隋唐百

萬之師我國地方比高麗倍之山川險阻古今一也而丙子之亂虜兵如入無入之地竟有下城之辱言念及此不覺痛心

**甲申**三十年春正月引見大臣備局諸臣上曰今年即甲申也大明以是歲三月亡歷覽前史亡國何限而獨於崇禎皇帝革世處有嗚咽不忍讀者矣我邦自立國初受皇朝恩錫號朝鮮視同內服列聖相承至誠事大壬辰之變宣廟遠狩龍灣至欲內附神宗皇帝竭天下之力東出兵救之得以再

造邦家吾東方昆蟲草木何莫非皇靈所被也丁丑之事有不忍言其時斥和三臣以死爭之節義炳然綱常不墜到今年紀愈久世道愈下復讎雪恥固非朝夕所可期而至於疏章間慷慨之言亦未有聞已至于寢遠寢忘之域予嘗慨然今逢周甲一倍感愴矣上又曰我國之得有今日莫非神皇之力而深仁厚澤無地酬報予心感慨尤切於是年矣楊鎬邢玠以東征帥臣亦有祠宇而尚無為神皇建廟事先正臣宋時烈曾有是



國朝實錄卷之六  
議欲以斥和三臣從享廟庭語在三學士傳  
矣此事何如諸臣各有所陳 上曰此非今  
日所可決定當博詢而處之○二月傳曰尚  
宮崔氏以 皇朝宮女年迫八十今遇運移  
皇祚之歲尤宜軫恤其令該曹優給衣資食  
物○三月備忘記曰 神皇建廟事已諭予  
志詢于諸臣此是早晚必行之盛禮矣宣武  
祠愍忠壇遣官設祭事亦已定奪矣昨因柳  
成運上疏有令禮官稟處之命矣第於予心  
終有所歉然者嗚呼流光荏苒舊甲重回今

月十九日即皇朝運移之日也空望故國朝  
宗無地追 天朝不世之殊渥念 列聖服  
事之至誠只自嗚咽涕淚無從也昔我 仁  
祖大王當天翻地覆之日不廢焚香望闕之  
禮則今丁皇都淪陷之日豈可遣官設祭而  
已耶向所謂歉然者實在於此而此心耿耿  
消鑠不得也其令禮官議于諸大臣稟處諸  
大臣獻議後命漢城府築壇于後苑之春塘  
臺以三月十九日行祀○上自宜春門詣禁  
苑壇以大牢祭 崇禎皇帝行單獻犧牲用

黑牛不設樂壇高數尺床卓鋪陳皆尚黃色  
紙榜依五禮儀位版尺樣造成書大明 毅  
宗烈皇帝神位九字貼於交椅北壁南向設  
版位于東階下 上具冕服百官衣黑團領  
陪祭 上嗚咽不自勝侍臣莫不感愴祭畢  
並祝幣紙榜燎火即撤其壇是日遣官致祭  
于宣武祠愍忠壇○夏四月備忘記嗚呼光  
陰易逝涸灘重回天崩地拆即此歲也壽亭  
之事追思掩泣不有親祀于何寓哀肆予義  
起斷然行之蓋所以明天理植民彝也嗚呼

神宗皇帝再造藩邦之息天地同大河海莫  
量實吾東方沒世不忘者也今於建廟之事  
孰有異議於其間而第或以禮節為拘或以  
宣洩為慮此則有不然者所謂禮節爛漫商  
確務歸得當則自無難便之端所謂宣洩只  
在象胥申以重律嚴加操切則豈有宣洩之  
患耶嗚呼尚忍言哉海內神州滿目腥塵遙  
望天壽孰薦明祀噫嘻由是論之則今日建  
廟不特予崇報之誠宣在於此 神皇在天  
之靈亦安知不戀茲東土耶尊周之義皎如

日星予志之定堅如金石斷不可已也嗚呼  
追 聖祖之志事予所勉勉而此而持疑猶  
且不行則何以有辭於天下後世乎其令禮  
官斯速稟處頃者儒疏中華陽洞之說及復  
思惟終涉不便亦在該曹之商量也禮曹啓  
曰伏見下政院之教十行天札及復乎尊周  
之大義真可以貫日星而感鬼神奉玩欽誦  
不覺涕淚之橫流也此是前古所無之禮且  
有節節難便之端不可不十分商量務歸得  
中請問議于大臣允之○秋九月 上既於

今三月設壇後苑親祭 毅宗皇帝必欲為  
神皇立廟以致隆諸臣多言設壇倣祭天愈  
於建廟 上曰 神宗皇帝再造藩邦之恩  
萬世不可忘也 宣祖大王若當 神皇昇  
遐之時則豈不欲立廟予意非偶然而今大  
臣諸臣皆以設壇為是此亦可以少伸至誠  
定以築壇春秋設祭

**乙酉**三十一年春三月 上詣大報壇親祭大  
明 神宗皇帝子時 上自宜春門循禁苑  
北而西出朝宗門詣壇所行祭設黃帳房於

壇上奉安神位用紙榜舞用八佾撰樂章以  
奏 上行三獻禮飲福禮畢奉紙榜以燎  
上親詣燎所 王世子率百官陪祭 上祭  
罷還宮宣示御製御筆于政院曰今曉祗詣  
皇壇已舉殷禮幾年經營竟遂至願事勢所  
拘雖未準禮此固可幸也壇墀將事之際恍  
若玉輅東巡獲近耿光予懷當復如何感極  
于中自發於吟咏所以示不忘也嗟爾銀臺  
玉堂秉筆之臣其各和進詩曰大報壇成肇  
祀親時惟蠶月屬和春衣冠濟濟班行造磬

筦將將醴幣陳昔彼隆恩銘在肺今瞻 神  
座涕霑巾追思豈但微誠寓切願寧陵 聖  
志遵政院啓曰即者司謁以 上教宣示御  
製御筆大報壇親祭後志感詩七言律一篇  
并序臣等忙手開緘聚首展玩一字一句皆  
從尊周血誠中流出有以見 大聖人所作  
出尋常萬萬凡在瞻聆孰不聳動臣等一唱  
三歎感涕自零不知所以為喻也至於諸臣  
和進之命可以匹休於廣載盛事臣等文辭  
陋拙恐不足以對揚休命而聖教至此敢不

臣等竊以禮部所屬各官  
祇若御製則請仍留院中永作寶藏答曰知  
道翌日都承旨黃欽左承旨南致熏右承旨  
趙泰東左副承旨任胤元右副承旨金致龍  
同副承旨閔鎮遠校理李肇副校理南就明  
修撰柳鳳輝奉教李緯待教洪禹瑞假注書  
沈壽賢金東弼李真儉申霽等十五人奉教  
和進○備忘記大報壇親祭時進幣瓚爵官  
判書徐宗泰薦俎官判書趙泰采奠幣瓚爵  
官叅議金萬採禮儀使判書尹世紀壇上執  
禮叅議權持紙榜書寫官副護軍趙相愚各

賜熟馬一匹都承旨黃欽禮房承旨南致熏  
並加資其餘頒賞有差○御晝講叅贊官閔  
鎮遠以大報壇賞典過濫並請還收 上曰  
承旨所達不知予之本意也當初茲事累年  
經營必欲立廟而事勢所拘終至於設壇祭  
罷後以紙榜奉至燎所此非永為奉安之比  
予心之缺然當如何也然既已設壇之後年  
年祭享自當與國同存矣仍念祔廟之時其  
感愴之懷與今何異而一番祔廟之後例有  
論賞之典為其禮重事大故也今茲親祭為

天子肇舉殷禮擬答萬曆罔極之恩禮重事  
大豈下於祔廟時乎且諸執事非謂有奔走  
之勞大禮肇創之時無以表示予意况此是  
天子之禮則賞典之減殺於祔廟時前例事  
體極為未安故一依祔廟例論賞矣每年親  
祭時輒以為例則元非予之本意有何過濫  
之事乎

**戊子**三十四年夏六月以旱灾 上下親製祭  
文遣近侍致祭于雙嶺戰亡將士其文曰噫  
予眇躬忝居大位夙夜祗慄于茲三紀惟其

德涼自速灾異一旱涉秋大地如燬小霈旋  
收膏澤又閔西成望斷民命近止憂心焚灼  
痛若在已從古致旱多由冤氣靜言思之豈  
無所以追提丙丁至今切齒人謀不臧虜騎  
猝至沁都咫尺初計未遂孤城月暈卒弱糧  
匱白登危急外援日俟嗟爾嶺南忠義之士  
奮不顧身赴難千里烟火相望行在密邇士  
氣自倍天顏有喜捷書之報舉切懸企全師  
敗衄曾是不意枕骸沙場飲恨九地毅魄餒  
而餘七十禩天陰鬼哭寧可聞此傷心慘目

孰大於是昔歲戊辰寧陵有事輦過雙嶺少  
停車騎爰命輔臣以手歷指曷勝悽悲為汝  
投淚歲月雖久一念未弛值此極無靡所不  
思我親為文煩寃是慰生既殉國幽明一理  
惟爾羣靈携朋挈類導達天和歆此我解亟  
霈甘澤蘇我赤子邦家寧謐自今伊始故茲  
教示想宜知悉

**辛卯**

三十七年春正月日前

上以古今島關

王廟香祝賚去單子問于政院曰星州安東  
兩邑關王廟享祀亦依古今島享祀事曾令

本道定式舉行今入馬牌單子只是古今島  
一處者何也政院招問禮曹郎廳對以安東  
星州關王廟現存形止未能詳知當發問於  
本道後舉行 上教以癸未年駕次南關廟  
時令兩邑關王廟現存形止查問本道後因  
本道狀聞禮曹覆啓已令勿為廢置另加修  
補今該曹之更欲發問於本道者似未詳其  
時曲折也政院請推禮曹堂郎仍令與古今  
島一體舉行從之至是禮曹更定節目以入  
仍啓曰聖意既感其精忠義烈且為中朝將

士東征時所建愾然有匪風下泉之思則成命之下何敢容議安東關廟萬曆戊戌真定營都司薛虎臣所建有石像初在府城內北山之頂立碑以記東征之役丙午移安西岳寺東臺碑文漫漶而碑陰諸將名號俱存廟去寺三四間許廟前地亦三四間許而有層塔久平坦星州關廟在東門外萬曆丁酉天將茅國器所建有塑像廟宇三間庭廣二間許云安東之中間移設未知其故而今既自朝家享祀則事體異於前不可附置僧舍之

側且其地形不得平坦則恐難行祀星州廟庭只二間許則亦狹窄過今番享祀後並令從容看審啓聞變通從之其節目一依東南關廟例祭日用鷩鷩霜降祭需用籩豆而獻官以本邑營將或堂上武守令差遣配位則差堂下武官諸執事用鄉將官

**壬辰**三十八年春正月台對王堂官講官洪致中李世瑾因書中復讎雪恥之語及復開陳請追孝廟之遺志明春秋之大義且言今年適丁壬辰願毋忘播越之辱以思自強之



策 上開納之翌日教曰皇壇大祭每令攝  
事予心不安脚疾雖未瘳必欲親行又命  
王世子陪祭

**癸巳** 三十九年冬十一月初皇明 太祖有所  
賜我國馬牌四度及 神宗皇帝所特賜者  
二度尚在尚瑞院 上聞之命內入親覽而  
下之至是承旨柳泰明筵白其入盛櫃子不  
精且混置於日用馬牌所在處事甚未安宜  
精造櫃子高揭壁上以寓尊周之心 上是  
之命櫃子着漆各別尊閣

**甲午** 四十年春正月 上下御製五言絕三首  
于海昌尉吳泰周其一曰新年何以祝燕氛  
願廓清泰運從今啓皇朝業復明其二曰新  
年何以祝邦國願年豐調順從今始慶成八  
域同其三曰新年何以祝朝著願同寅舊習  
從今革聚精又會神

**乙未** 四十一年秋八月藥房入診都提調李願  
命奏言平安監司閔鎮遠以關西義士崔孝  
一等贈職事啓聞該曹請贈官矣孝一丙丁  
以後歸心天朝全家浮海歸正中國始為吳

國朝寶鑑卷之六  
二十三  
摠兵把摠官及清兵入山海關知事不濟往  
赴 崇禎皇帝墓前七日不食而死外藩陪  
臣為天朝立節雖學士大夫固已竒矣况此  
邊荒武士乎循例贈官似為欠典宜有別樣  
褒贈之道提調趙泰采亦白之 上曰聞其  
事迹誠為特異特為從二品贈職

**丙申**四十二年春正月賀節使軍官張文翼進  
獻皇明 神宗皇帝御筆印本 上下教曰  
曾前屢求不得畢竟得此至寶喜感交集特  
命加資

**庚子**四十六年夏四月 上命宦侍下教于侍  
藥廳曰入診時此一節見漏故書出以下矣  
仍下一紙其書曰嗣位日每用清國寶心常  
未安矣後得皇朝賜本篆畫如昨遂摹刻作  
金寶藏置以此用之

國朝寶鑑別編卷之六

國朝寶鑑別編卷之七

英宗朝

**乙巳**元年春三月遣官致祭于宣武祠時上  
 送勅回鑾教曰宣武祠特為致祭以示予體  
 聖祖尊周之大義也○冬十二月北關人胡  
 斗弼自稱文定公安國十九世孫上言請守  
 護華陽洞萬東祠以寓不忘中國之誠初先  
 正臣宋時烈欲以一間茅屋祭昭王之義祠  
 祭大明 神宗毅宗兩皇帝於華陽洞齋志  
 未果托其門人權尚夏尚夏建草舍以祭取

宣廟萬折必東之教扁以萬東祠斗弼之言  
以此也 上曰 先朝因田會一事有大國  
尚書之孫豈可不為我國衛將之教斗弼付  
料其族屬散在西北有文武技者令銓曹調  
用○上聞故相臣閔鼎重購得 毅皇御書  
非禮不動四大字於燕中以遺先正臣宋時  
烈時烈模刻巖石真本尚在煥章菴僧舍命  
取來奉覽感慨涕泗曰皇朝再造之恩實我  
東沒世不忘者而歲月浸久人情易狃若非  
我 聖祖聖考伸大義於天下則我東之人

孰知尊周之義乎乃命致祭于南漢忠烈祠  
沁都忠武祠及華陽洞書院

**丙午**二年春二月大學生俞郁基等上疏請聖  
廟祝辭年號改以崇禎紀元後批曰言出秉  
義當下詢大臣○三月 上親跋 毅皇御  
書刻本命藏于煥章菴領中樞府事閔鎮遠  
奏曰 肅廟嘗以萬東祠事下詢於臣兄鎮  
厚臣兄對曰國家當以一間茅屋祭昭王之  
義付之百姓而不必與知若與知則事體重  
大也當時 聖教亦以為然今則事體與前

異矣宜令本道給田結守護 上從之復命  
惠廳給米諸生就菴傍建屋虔奉

**庚戌**

六年春正月

上召對講東國通鑑語儒

臣曰孔子作春秋必尊天王所以正君君臣  
臣之義也高麗嘗臣事有宋而徽欽之名直  
書國史可乎我國自 孝廟聖考尊周以後  
一隅青丘獨保大明日月爾等其不忘 先  
朝大義也○二月 上幸寧陵過南漢之雙  
嶺險川北門遣官致祭於戰亡將士回鑾至  
山城登西將臺感 聖祖之志事俯仰太息

校理柳儼奏曰三學士中洪翼漢尹集兩家  
皆以遺衣葬故朝家給復其墓而獨吳達濟  
家以為葬衣非禮也燒衣囊埋其妻墳故不  
與於給復之典 上命一體給復○六月

上曰近覽寶鑑

先朝嘗致祭於崇仁殿武

烈祠而予未及知之嗣位後尚闕致祭也吾  
東方能免左衽之俗者賴箕子八條之教崇  
仁殿其遣承旨致祭亦遣禮官致祭於武烈  
祠

**辛亥**

七年夏五月

上命將臣往審南漢形便

加築西將臺汗峯城堞令詞臣撰文豎碑於戰亡之墟以樹風聲從守禦使申思詰之言也○秋八月命康世爵胡斗弼子孫中可用者調用而給復其宗孫

**癸丑**九年夏四月賜額于宣川故忠臣金應河廟令道臣修葺

**甲寅**十年春三月 上親享于大報壇親製小序及七言律詩一首其序曰體 聖祖之遺志遵 聖考之定禮躬祀皇壇敬奠醴幣伸平日感慕之意心幸曷喻其將事也洋洋如

在若朝覲乎鳳宸興感益切不覺涕洒之霑袖矣豈可無言志敬用 聖考御製韻以示予懷咨爾銀臺玉署秉筆之臣齊會喉院須遵古事其各和進其詩曰屠維而後始祀親倏忽光陰十九春大報壇前三學獻朝宗門裏八音陳睠彼皇興氣填臆望此藻儀淚濕巾 聖祖寧考尊王意正宜小子銘心遵蓋遵 肅廟朝乙酉故事也又以江漢朝宗為題命羣臣製進十韻排律仍命致祭于宣武祠

國朝寶鑑卷之十一  
四

**乙卯**十一年春正月陳奏副使朴文秀奏曰故兵使鄭鳳壽與李立擊胡於龍骨城其事誠奇壯 皇明嘉其功特差官職銀印票文尚在其家 肅廟朝因道臣封進曾經睿覽而鳳壽賜謚立贈職臣於今行亦賚來矣仍進銀印票文 上曰此皇朝督府印也不圖今日復見漢官威儀令本道致祭於其祠銀印票文命模寫以入南以興忠愍祠一體賜祭

**丁巳**十三年冬十月 上召對命講宋元綱目末篇皇明 太祖起兵始末教曰我國於皇

明有君臣父子之義又有沒世不忘之思今講創業始末恍然如復見盛際之文物矣仍感涕嗚咽○十一月命錄用皇明李如梅子孫

**戊午**十四年春正月遣官致祭于故忠臣金應河以殉節之歲也○三月 上親享于皇壇問承旨曰華陽洞煥章菴行祀時以位版祭乎對曰紙榜矣 上將還宮出朝宗門至石橋教曰此乃 先朝御製獅子橋也既載御製不可無標識遂親書橋名命刻石豎于朝

宗門傍○冬十月江華留守權禔上疏曰昔  
在壬辰之亂天將李如松如栢如樟如梅如  
梧兄弟一時東征再造藩邦其豐功偉烈至  
于今照人耳目誠有百世不可忘者而戊午  
深河之敗如梅之孫成龍以都督劉綎麾下  
漂轉我國托身於故玉城府院君張晚幕府  
後有刷還之舉而晚乃建議隱匿使居湖西  
娶妻生子其名曰翻得登武科官至武蕪其  
子東培因故判書俞得一所奏除邊將監南  
海縣而東培之兄東裁之子勉以宗孫少孤

貧賤見方流落於本府若使此人餓死此土  
則將何以有辭於天下後世哉伏願念其先  
烈亟施特恩以光 先朝大報之義也且丁  
丑之變本府中軍黃善身千搃姜興業具元  
一三人忠節最著俱得配食於忠烈祠而子  
孫陵夷不能奉其香火宜令選部另加檢舉  
上特除李勉僉知中樞府事黃善身等諸人  
子孫亦命銓曹錄用

**庚申**十六年春三月 上謁明陵回鑾歷臨宣  
武祠以天朝使臣相見之禮揖而不拜御製



七言絕句一篇以志感命刻揭宣武祠還宮  
後遣官致祭復命鋪陳丹雘一新修改○上  
問天將李如梅立主與否右議政俞拓基對  
曰未嘗立主其祭以皇明總兵指揮使書紙  
榜行祭云矣 上命其子孫立主行祀仍令  
不祧○夏六月宗臣夏平正懋上疏曰春秋  
大一統之義撐天地亘萬古不可一日泯者  
也 孝宗大王聖德神功若不追隆而加崇  
則大義將不明於今日矣 上賜批嘉獎仍  
教曰東方之得免左衽實我 聖祖之功也

曾於丙申侍湯時親承 孝廟尊號即予至  
願之教每思之愴恫今宗臣之疏出矣其即  
會議諸大臣會于賓廳僉曰可遂追上 孝  
宗大王尊號曰明義正德上冊寶于太廟百  
官陳賀如例命議號單子祝文玉冊文并勿  
書清國年號致祭于皇朝總兵李如梅等諸  
人

**辛酉**十七年春二月 上將親享皇壇謂筵臣  
曰皇壇祭牲當用黑牛而用黃牛何也承旨  
趙明履對曰取考謄錄則曾在甲申禮曹判

國朝實錄卷之七  
書閔鎮厚以為國祭牲用黑而壇祭之牲諸大臣皆言當用黃牛蓋大明尚赤當用騂牛而騂是深黃之色故用黃牛也領議政金在魯曰大明祭禮牲用騂或黝云黃牛則無可據之義但騂牛難得故雖代用黃牛然不可稱黃牛宜以騂牛為名也 上從之○夏四月修撰李成中得明本歷代通鑑纂要於弘文館舊藏中以進而卷首安廣運之寶 上曰昔 先朝以皇朝馬牌命藏于尚瑞院此書皇朝璽跡之所存篆畫尚明實朱如新甚

可異也令弘文館補其遺卷而實藏之以寓予下泉之思焉○承旨金尚星奏曰樂院樓上有古石磬刻以癸丑造者考其年則乃世宗十五年也未知皇朝賜樂在於何年而大抵我朝尊奉天朝時之樂器用於大報壇宜也 上可之○秋九月命江華府建皇明總兵李如梅廟給復助祭又命旌金弘翼閭錄用李楸子孫加贈李尚載職弘翼楸尚載當丙子之亂同死於險川者也○新製皇壇樂器初皇壇無樂器常以山川祭樂器推移

用之是年三月壇祀與先蠶祭相值山川樂器移用於先蠶而壇享無樂器可移用者大臣請以文廟樂器移用於壇享上曰皇壇豈獨無樂器乎令有司別造樂器至是乃成命藏于皇壇樓上庫

**癸亥**

十九年秋九月進宴

東朝

上親製感

皇恩樂章命奏內宴仍添刊於樂學軌範卷首其序曰國朝開創受皇命于朝鮮逮于中葉再蒙恩於我皇新製其章永垂皇恩第一章曰受命朝鮮兮定都漢陽九章輝映

兮八音鏘鏘繼繼承承兮垂恩東方第二章曰再造藩邦兮景受皇恩朝宗屹然兮遙拜五雲新製其章兮續編應文第三章曰重熙綿綿兮於萬其年追慕聖德兮繼述光先敬作歌誦兮拜獻禮筵

**乙丑**

二十一年春三月教曰致齋三日而一日

宿於享所自是金石之典既有神室則宜有齋室令該曹為御齋室世子齋室前一日詣享所齋宿行事一依廟社禮

**丙寅**

二十二年春三月

上詣皇壇省牲禮曹

國朝寶鑑卷之十一  
判書鄭羽良請依祭天之禮用犢牲 上許之○閏月上親書垂恩海東四字命揭于宣武祠○秋九月命每歲皇壇大祭時戶禮曹堂上奉審壇上下神室神門内外墻垣祭器樂器可以修補者即令修補著為式

**丁卯**二十三年春三月命禮官儒臣撰皇壇儀軌細仗鼓吹奉安于香室

**己巳**二十五年夏四月並享 皇明太祖高皇帝毅宗皇帝于大報壇先是 肅宗甲申設大報壇只祀 神宗皇帝至是 上覽新印

明史朝鮮傳有曰崇禎丁丑二月 毅宗皇帝因我國被圍請援命摠兵陳洪範調各鎮舟師赴救是年三月山東巡撫顏繼祖奏朝鮮失守皮島鐵山且危宜飭洪範及沈世魁二鎮堅守皮島 皇帝以繼祖不能協圖匡救切責之 上覽訖感泣乃下教曰小邦偏受皇朝莫大之恩昔年皇壇之設乃所以大報再造之 聖意也吁嗟丙子事勢罔涯而眷顧一向隆重非徒不非小邦既命東援又責其趨不救焉欲報之德昊天罔極此史來

東若在昔年以尊周之 聖意奚待詢問一  
隅青丘祀報 二皇質前聖而不悖俟來世  
而不惑命議于京外大臣儒臣僉曰可 上  
復下教曰我國受 高皇莫大之恩特許封  
典錫以國弼禮遇之隆眷顧之厚夙越前古  
而遙瞻中州皇朝籩豆不陳久矣今 二皇  
並祀之日獨不祀 高皇於心怵惕覺得昔  
年御詩追慕 三皇之盛意藹然於詩句之  
間其在繼志之道尊周之義並祀 三皇焉  
可已也一壇 三皇皇朝日月將照於朝宗

之內也遂命戶禮工三曹刻日興功增建皇  
壇添修儀節加造奉室諸廳祭器樂器復各  
製祝文樂章二句而工告訖儀告備是月戊  
子 上親祀安侑 祝版維崇禎幾年歲次某  
甲某月某朔某日干支朝  
鮮國王臣姓諱敢昭告于太祖開天行道肇  
紀立極大聖至神仁文義武俊德成功高皇  
帝伏以上帝簡聖大正于元皇乘六龍手扶  
乾坤文謨武烈六合階庭乃眷東顧俾我輯  
寧維時臣祖祗承明旨尹茲東土神人攸庇  
皇既班瑞日錫嘉彌殷師舊履爰命復冒明  
燭萬里斐錦罔售父母救焚廟闕阮究厥原  
皆帝要甸奚隔神考救焚廟闕阮究厥原  
本道皇祖訓瑤圖三百天祿永賈陵廟丘墟  
滄桑蕩汨匪風下泉崩心涕骨楚屋有傲靈  
埤有伉先考攸設萬曆是享追原報始爰舉  
緝儀聖躋秩祀於禮則宜萃其有假二后從

配綏我思成洋洋如在神功盛德曷云能報  
香升居散工祝致告謹以牲幣體齊采盛庶  
品式陳明薦尚饗○維崇禎幾年歲次某甲  
某月某朔某日干支朝鮮國王臣姓諱取昭  
告于毅宗紹天繹道剛明恪儉  
紀光臨至祀旁達顧我東藩偏荷恩造昔在  
怒出師命援妖氛一掃邦祀再植鐘篋欲報  
與天無極世運燿變冠裳倒植鐘篋欲報  
貌悲拱辰雖勤執禮何所爰築靈壇以寓追  
西悲拱辰雖勤執禮何所爰築靈壇以寓追  
慕菲差薄幣豈稱情祇將昭恪遠不假曠  
皇靈在天左右降陟有感則通無遠不假曠  
彼中州腥穢匝地念此虔潔毋我遐棄涓言  
齋躬式薦牲醴仗幄孔儼悅若陪衛龍旂日  
馭鬃東狩監茲血忱尚其歆祐謹以牲幣  
醴齊采盛庶品式陳明薦尚饗○維崇禎幾年  
年歲次某甲某月某朔某日干支朝鮮國王  
臣姓諱取昭告于毅宗紹天繹道剛明恪儉

揆文奮武敦仁懋孝烈皇帝伏以毅烈維后  
振古有光蹈義殉社昭揭天經視以內服惟  
茲東維再造之恩神考是思念我不吊又罹  
丙丁狂鋒猖獗躡我門庭帝顧咨嗟詰戎督  
士臨河絕干戈滿目地隔事秘思旨誰傳滄  
朝海路絕干戈滿目地隔事秘思旨誰傳滄  
桑永世痛纏浩難膏澤不沫汗簡是徵秋毫  
皆帝河海洋恻恻思匪風之慕弗急益  
虞維臣父祖靈壙有嚴肇祀皇皇三  
載述舊章俊俊西悲穆穆郊儀三后躋秋享  
序其綏九廟丘墟如聞歎喜庶監菲忱射下  
苾芬雲旗掩翳齊景安黃鍾宮仲明薦尚饗  
達謹以牲幣軒架景安黃鍾宮仲明薦尚饗  
○樂章迎神幣軒架景安黃鍾宮仲明薦尚饗  
宮夷則宮真幣登歌肅安南宮仲明薦尚饗  
后萬邦之辟皇公伊濯在東服有傲其壇  
有儼其神承筐是將用肇精禋○進饌雍安  
姑洗宮○初獻登歌壽安南宮仲明薦尚饗  
載錫嘉躅載燭論言於乎遠哉萬世之恩  
雲羽旄桑海茫茫瑟瓚黃流神保是皇第  
二

冕	於	拭	復	各	引	俎	還	察	還	入	○	萬	匪	豆	后	云	第	土	位
服	北	爵	位	位	王	官	出	出	實	親	親	斯	日	登	皇	能	三	報	日
以	上	訖	贊	神	世	奠	前	自	諸	享	享	年	報	歌	○	濟	位	祀	帝
出	時	置	引	座	子	幣	一	東	大	儀	儀	庶	德	雍	亞	清	日	伊	有
繳	至	於	引	前	入	瓚	刻	陛	祝	晨	晨	無	維	安	獻	酌	既	何	大
扇	左	篚	齋	大	就	爵	者	按	各	祝	禋	射	以	南	終	既	載	大	造
侍	通	捧	即	祝	位	官	贊	視	奉	史	享	思	竭	呂	獻	軒	明	之	者
衛	禮	詣	詣	以	贊	入	贊	壇	紙	各	日	○	情	宮	架	架	燎	烈	其
如	俯	尊	爵	次	引	就	引	之	位	奉	丑	送	禮	日	架	燎	斯	恤	神
常	伏	所	洗	徹	引	南	引	上	安	毛	前	神	儀	日	架	燿	斯	小	武
儀	跪	諸	位	帕	壇	司	門	下	於	血	五	軒	既	架	燿	安	姑	之	復
左	啓	祝	洗	置	司	諸	外	糾	紳	祭	刻	架	備	有	揭	姑	洗	惠	我
通	外	史	贊	於	卓	卓	拜	察	座	置	於	景	載	踐	虔	洗	宮	遼	廟
禮	殿	各	拭	卓	祝	祝	位	如	贊	於	尊	安	徽	鐘	虞	宮	○	海	社
俯	下	迎	瓚	取	引	引	相	儀	引	所	官	黃	不	鼓	無	射	○	洋	奠
伏	具	取	洗	置	降	降	禮	者	引	畢	壇	鐘	遲	斯	右	我	○	洋	我
跪	具	置	爵	降	詣	詣	禮	薦	者	畢	司	於	於	於	我	○	我	○	疆

啓	門	降	門	劍	圭	東	每	啓	禮	石	安	儀	拜	位	協	悅	官	執	殿
請	外	與	與	從	近	壝	立	請	日	協	之	使	興	者	律	詣	禮	下	殿
乘	降	禮	禮	入	侍	門	定	行	燎	律	樂	跪	平	皆	郎	還	詣	下	殿
與	與	儀	儀	至	跪	雲	禮	事	毛	即	烈	啓	身	四	偃	侍	禮	下	殿
殿	所	使	使	東	進	寶	儀	禮	血	跪	文	請	王	拜	麾	位	儀	下	殿
下	左	導	導	壝	圭	劍	使	儀	諸	俯	之	鞠	世	子	工	詢	使	北	向
乘	通	殿	殿	門	下	外	退	使	大	伏	舞	躬	躬	四	者	者	導	北	向
與	禮	下	下	侍	執	外	於	於	祝	舉	作	拜	拜	四	亦	引	下	立	禮
左	伏	侍	侍	禮	圭	禮	於	於	燎	興	樂	與	與	相	先	進	行	立	禮
右	伏	衛	衛	儀	外	儀	左	左	有	工	八	成	成	與	拜	幣	儀	立	禮
通	跪	止	止	使	禮	儀	執	執	司	鼓	成	執	執	平	者	近	儀	立	禮
禮	啓	於	於	俯	儀	儀	禮	禮	謹	祝	工	執	執	身	不	幣	儀	立	禮
前	請	門	門	泉	使	使	版	版	具	祝	鼓	祝	祝	請	請	幣	儀	立	禮
導	降	外	外	門	前	前	位	位	請	請	成	成	成	下	下	幣	儀	立	禮
至	與	只	只	請	導	導	北	北	日	日	架	架	架	躬	躬	洗	儀	立	禮
朝	宗	雲	雲	入	自	自	向	向	禮	禮	內	內	內	此	此	位	儀	立	禮
宗	下	實	實	執	執	執	執	執	執	執	執	執	執	成	成	成	儀	立	禮





第二位者引薦俎官以下降奠並如  
 止謂者引薦俎官以下降奠並如  
 祝還尊所謂者引進幣瓚爵官  
 詣第一尊所執禮日禮儀使導爵  
 下初獻禮儀使導爵官執禮日禮  
 西向立登歌作壽安之樂烈文第  
 禮儀使導爵官執禮日禮儀使導  
 者舉爵進幣瓚爵官執禮日禮儀  
 禮儀使導爵官執禮日禮儀使導  
 酒並如神座前禮儀使導爵官執  
 第一下神座前禮儀使導爵官執  
 亦唱近侍以爵授進幣瓚爵官執  
 捧爵跪進幣瓚爵官執禮日禮儀  
 爵獻爵以爵授進幣瓚爵官執禮  
 儀使跪啓請執退北伏與少退北  
 執主俯伏與請執退北伏與少退  
 之右東向跪讀祝訖樂作禮儀使  
 伏與平身殿下俯伏與平身殿下  
 者皆俯伏與平身殿下俯伏與平  
 啓請殿下詣第二身贊者亦唱樂

如禮儀使導爵官執禮日禮儀使  
 舞進幣瓚爵官執禮日禮儀使導  
 引進幣瓚爵官執禮日禮儀使導  
 北向立執禮日禮儀使導爵官執  
 第一尊所執禮日禮儀使導爵官  
 侍以爵受酒禮儀使導爵官執禮  
 三自南所酌酒並如神座前禮儀  
 陞自南所酌酒並如神座前禮儀  
 晚啓跪贊者亦唱進幣瓚爵官執  
 者皆跪贊者亦唱進幣瓚爵官執  
 進幣瓚爵官執禮日禮儀使導爵  
 獻爵跪進幣瓚爵官執禮日禮儀  
 于神座前禮儀使導爵官執禮日  
 殿下執圭俯伏與平身殿下執圭  
 俯伏興平身贊者亦唱禮儀使導  
 詣第二身贊者亦唱禮儀使導爵  
 樂止進幣瓚爵官執禮日禮儀使  
 儀使導爵官執禮日禮儀使導爵

禮	爵	禮	所	尊	酒	酌	詣	指	者	官	執	禮	在	啓	如	降	引	西	禮
曰	官	日	西	者	禮	酒	第	主	亦	捧	儀	位	位	請	上	復	進	向	又
禮	真	行	向	舉	儀	並	一	殿	唱	爵	使	使	者	殿	儀	幣	幣	立	大
儀	幣	終	立	幕	使	如	位	下	近	跪	跪	跪	皆	下	訖	禮	禮	禮	禮
使	獻	軒	軒	進	導	上	神	跪	侍	以	進	啓	伏	第	止	儀	儀	儀	儀
導	禮	架	架	幣	下	儀	座	揖	爵	授	儀	請	興	二	進	薦	薦	薦	薦
第	儀	作	作	贊	次	記	前	主	授	使	使	真	平	位	幣	一	一	一	一
一	使	安	安	酌	詣	儀	北	王	進	幣	啓	贊	身	第	贊	尊	尊	尊	尊
位	導	之	之	清	第	導	立	子	及	贊	請	興	亦	所	自	所	所	所	所
尊	殿	樂	樂	酒	二	殿	禮	及	在	官	執	平	身	以	東	東	東	東	東
下	下	昭	昭	近	位	下	儀	儀	位	官	爵	莫	王	爵	南	南	南	南	南
詣	詣	武	武	侍	第	第	使	使	者	進	爵	于	世	儀	復	復	復	復	復
第	第	之	之	以	三	三	跪	跪	皆	幣	爵	殿	子	使	復	復	復	復	復
北	北	舞	舞	爵	位	位	自	自	所	皆	贊	贊	及	請	請	請	請	請	請
向	向	作	作	受	尊	尊	南	南	南	南	南	南	南	南	南	南	南	南	南
立	立	執	執	執	所	所	所	所	所	所	所	所	所	所	所	所	所	所	所

請	向	跪	儀	官	俎	跪	俎	降	平	者	降	鞠	世	遠	訖	使	興	樂
立	立	揖	使	受	授	授	授	授	身	皆	自	自	子	豆	樂	平	一	一
大	大	圭	跪	虛	薦	薦	薦	薦	皆	俯	南	南	及	諸	止	身	成	成
祝	祝	王	啓	爵	官	官	官	官	下	伏	陛	陛	在	大	軒	王	止	止
以	以	世	請	以	薦	薦	薦	薦	執	與	復	復	位	祝	架	世	執	執
爵	爵	子	受	授	大	大	大	大	主	平	位	位	者	陞	作	躬	禮	禮
授	授	及	爵	爵	祝	祝	祝	祝	俯	身	身	身	皆	徹	景	四	及	及
下	下	在	殿	殿	祝	祝	祝	祝	伏	贊	贊	贊	四	遠	安	拜	在	在
陛	陛	位	使	使	受	受	受	受	與	亦	亦	亦	拜	登	樂	平	者	者
自	自	皆	啓	啓	西	西	西	西	身	身	身	身	拜	歌	執	身	皆	皆
南	南	跪	請	請	向	向	向	向	王	禮	禮	禮	四	作	禮	殿	四	四
陛	陛	跪	跪	跪	跪	跪	跪	跪	世	儀	儀	儀	拜	雍	日	拜	拜	拜
詣	詣	贊	贊	贊	贊	贊	贊	贊	子	使	使	使	興	安	四	鞠	贊	贊
飲	飲	者	者	者	者	者	者	者	及	導	導	導	平	之	拜	躬	者	者
福	福	亦	亦	亦	亦	亦	亦	亦	在	殿	殿	殿	身	樂	禮	四	亦	亦
位	位	唱	唱	唱	唱	唱	唱	唱	下	下	下	下	王	徹	儀	拜	亦	亦
北	北	禮	禮	禮	禮	禮	禮	禮	位	位	位	位	王	徹	儀	拜	亦	亦

祝幣諸近侍陞以函各捧紙位降自南陞使  
位紙位先祝幣後以次出俱詣燎所禮儀使  
導殿下詣望燎位北向立執禮曰可燎近侍  
奉出紙位大祝取出祝幣焚之先燎紙位次  
燎祝幣燎半壇司監視禮儀使跪啓禮畢贊  
者亦唱導殿下還出東墻門外通禮俯伏跪  
啓請垂與殿下垂與左右通禮前導至齋殿  
前左通禮俯伏跪啓請降與殿下降與左右  
通禮前導入齋殿下釋冕服  
殿下釋冕服  
 北方蜿蜒逗于壇上有風颼颼引靈雨微灑  
 比第一位獻畢風恬雲淨月星明概與祭羣  
 臣相與竊歎以為感應甚神舉悽然有風泉  
 之思既卒事遣禮官致祭于宣武武烈祠及  
 江都忠烈祠南漢顯節祠

**庚午**

二十六年春三月 上行望拜禮省器于

壇上省牲于冽泉門外顧謂大臣曰一自  
 三后并享之後儼然若玉輅之東狩予不勝  
 匪風下泉之思故製下感皇恩三十韻帖藏  
 于齋室俾予子孫知予意也

**辛未**

二十七年春三月 上行望拜禮於後苑

以 毅皇忌辰也教曰我國受皇朝字小之  
 恩欲報之意河海莫量况今祀 三皇之後  
 一隅青丘大明猶照向者 三皇忌辰既命  
 停樂今日即 毅皇禮陟之日望拜御苑香

烟向北恍然若龍馭復臨追惟違歲不覺淚沾五月初十日 高皇忌辰七月二十一日 神皇忌辰當一例行禮以伸微誠他日嗣王其能思我此心則奚徒予幸寔體我 聖祖聖考尊周之盛德也其宜勗哉○冬十月上幸於義宮召見宮門外居人教曰唐人子孫之東來者 孝廟使居本宮洞內今過其處匪風之心追慕之懷益切于中其令惠廳從厚顧恤以示予意

**壬申**二十八年夏六月命贈故侍直申翊隆及

其子舅職翊隆故相臣欽之從子丙子之亂扈嬪宮入江都城陷自縊 孝廟手自解之得不死亂後潔已自廢其子舅亦有忠孝大節甲申聞皇都陷父子北望痛哭舉家遠遯皆竒偉高節之士故有是命教旨不書清年號

**癸酉**二十九年春三月十九日 上行望拜禮命祭洪翼漢吳達濟尹集等三學士錄用其後孫○夏五月初十日 上行望拜禮會舌官之自燕還者購得崇禎 皇帝御筆思無

邪三字以進之 上感歎命箴○秋七月二十一日 上行望拜禮教曰 三皇諱日望拜已畢匪風下泉一倍于心况今日何日尤切愴感宣武祠武烈祠特為致祭以表予意

**甲戌**三十年春三月教曰 三皇即位與諱日望拜已有教矣考之明史 高皇即位正月初四日乙亥今已過矣此心悚然然春序未盡當追伸即位日望拜 上遂以吉服行 高皇即位望拜禮於春塘臺改具黑袍復行 毅皇忌辰望拜禮命致祭宣武祠令兩銓及

軍門調用李揔督田尚書後孫之無職者於 義洞所居中州人後孫亦給食物○夏六月 命錄用江都殉節人沈覲李時稷宋時榮之 孫感 肅廟御製詩也金尚容子孫多立朝 者故不及焉○冬十一月命不祧遼東伯金 應河之祠版從大臣禮堂之言也

**己亥**三十一年冬十一月 上講詩之曹檜二 國風命南漢顯節祠江都忠烈祠及文正公 金尚憲文簡公鄭蘊文正公尹煌墓廣州雙 嶺並遣官致祭顯節忠烈諸臣贈二品職者

不待謚狀贈謚又教曰忠愍公林慶業為賊  
臣所殺之地即時敏堂庭北也至今其處常  
生異草亦異矣哉仍命一體致祭○十二月  
上聞尹集子孫貧窮鬻其舊第命依唐宗贖  
還魏徵第故事特令該曹贖還之其奉祀孫  
調用守令○命贈故持平蔡聖龜通政職贈  
故大司憲李蔡謚聖龜當丙子時累疏斥和  
後遂不仕蔡亦丙子斥和與尹煌諸人齊名  
故有是命○命禮曹錄上丙子斥和節死人  
並致祭凡二十八人斥和人相臣李敬輿蔡

贊俞伯魯參判俞蔡副提學金慶餘大司憲  
李蔡參判曹漢英師傅洪宇定持平蔡聖龜  
綾原大君備也殉節人府尹黃一皓弼善鄭  
雷卿主簿崔孝一府使池河南贈贊成李惇  
五贈參判李惇叙監察金秀南也戰亡人監  
司洪命耆兵使李義培閔林許完營將崔震  
立察訪李尚載縣監金弘翼李慶徵李捷府  
使黃珀郡守具賢俊縣令許輅也

**丙子**三十二年春二月 上親製文以識蟒衣  
寶章御書御畫之櫃其略曰 慈聖下教于

予曰集祥殿中得皇朝賜衣御筆之櫃予開  
櫃啟玩一櫃即恩賜蟒龍衣此昔年蟒衣觀  
先王也一櫃即高皇帝御製御筆皇陵碑  
文也一櫃即神宗御筆帖也一櫃即宣  
宗憲宗御畫軸也一櫃即奏咨文安以恩賜  
之寶者也昔聖考摹其篆鑄寶內懸牙牌  
鑄以模鑄皇朝恩賜寶章八字自庚子歲為  
傳國寶甲辰嗣服時宣政殿庭冕服所受者  
即此寶也噫此櫃之敬粧寶藏皆靜攝中眷  
眷皇朝之盛意予於侍湯中曾已仰覩豈意

幾十年後奉覽于三丙子之歲乎顧瞻周道  
風泉之心一倍遙望蒼梧莫攀之痛深切令  
尚方造一大櫃同藏奉安于真殿左養志堂  
西夾室慈殿諺書所記亦並藏焉○秋九  
月馬牌十三顆得於大內皆刻皇朝年號者  
也上命同藏於尚瑞院舊馬牌之藏○冬  
十二月上行望拜禮命斥和人李尚馨贈  
職致祭以見漏於前日禮曹抄啓中也

**丁丑**三十三年春正月上行望拜禮命忠烈  
顯節祠子孫並叅班曰是日即丁丑出城日

也嘗見當時日記出城之日日色無光今日  
亦然矣况明日 穆陵諱辰也蟒衣覲 先  
王是何朝也追思日暮道遠之批予有何繼  
述之事乎俯伏良久感愴不自勝命錄用洪  
翼漢黃一皓之孫故相臣金尚容特令不祧  
○二月 上親酌獻于宣武祠畢命取第一  
位爵親嘗之仍賜承旨侍衛諸臣以次飲又  
命取副位爵賜丙子忠臣及皇朝人後孫愀  
然下教曰東土遺民幾不知 皇恩之如何  
而黃河不清世人皆濁君臣同盃即喚醒東

民之意也爾等洗心勉勵○三月壇祀以  
大王大妃患候 上不得親享夜步庭中風  
便聞壇上鐘磬之聲愴然徘徊久之聲止乃  
就寢

**庚辰**三十六年夏六月命建征東官軍祠 上  
祈雨社壇回鑾歷臨太常見神室有一位版  
題曰大明東征陣亡官軍乃教曰豈意累百  
年之後見此位版乎命設壇致祭仍建祠于  
宣武祠之左祭宣武祠時一體致祭 上幸  
宣武祠教曰頃年臨祠以拜禮當否問議大



臣以為當揖故遂行揖禮今日乃覺送使拜門禮也今無拜皇華之路入此祠而不拜是豈思皇華之道乎遵昔年拜關廟之聖意今日入臨宣武祠時當行再拜禮以此定式○先是宣武祠祝但書國王不書御諱至是教曰曾見穆廟御製有邢軍門揭帖必書御諱近來問安官賚去之帖亦書御諱豈獨於二公之祝不書御諱乎遂命自今宣武祠祝書御諱以為式

**壬午**

三十八年春三月

上行望拜禮謂筵臣

曰有君則有臣昔年柳成運曾以配享事陳章於先朝而以其至重至敬多年未遑也仍詢問諸臣後以武寧王徐達寧遠伯李成樑文貞公范景文從享于三皇

**甲申**

四十年春正月 上因江都守臣騰進忠

烈錄命設科江都又命設忠良科試忠烈顯節祠諸臣及皇朝人後孫並取文武賜第教旨勿書清國年號教曰宋孝宗雖為鐵杖木馬而延英奏對不復聞天語不用朱子而用湯思退置楊甲策於第五何能恢復中華乎

予年望八日暮道遠河水未清今設此科所以慰忠臣義士之心也○三月 上將親享大報壇以是年即皇朝革世之年也命享日勿為穆卜直用 毅皇殉社之十九日省牲省器只隔一兩日右議政金相福奏曰十九日於 毅皇實為忌辰則用樂行祀恐不便於禮也 上召大臣禮堂儒臣問之禮曹叅判徐命膺對曰禮樂不備不可以祭况十九日在 毅皇則忌辰也在 高皇神皇則非忌辰也豈可為子孫之忌辰而去樂於先代

之正祭乎其不可去樂則明矣然抑有因勢周便之道在禮天神卜辛日地祇卜甲戌日人神卜丁亥日皇壇本以祭天之禮祭天子則宜叅用祭天祭天子之禮而今祭日非辛非丁亥此於禮誠為不安雖期日已迫似難變通而臣於俄者闕中考檢曆書則二十日干支適為辛日若於十九日 聖上就壇省牲以伸追感忌辰之情二十日設樂行祀以遵卜日正祭之文則既得禮意且不妨用樂也 上曰善如其言及親行壇享誠敬藹然

國朝寶鑑卷之七  
當燎烟初升雅樂始作忽有凄風襲人白氣如雲如虹自壇上黃幕而起少頃乃滅見者異之○命改戊申勲名之奮武二字為揚武以犯 毅皇徽號也○命以楊經理碑在沙峴者移立宣武祠傍

**戊子**四十四年秋七月 上御崇政殿月臺行望拜禮命承旨奉審皇壇特授李薰同知薰即如梅五代孫也仍命儒臣讀明史 神宗本紀 上曰 神皇五十載綱舉目張然東林標榜已起末年詔書憂之至矣及仙馭上

賓搢紳多不免魚肉今日海東臣子無黨乎有黨乎其流之弊與明世當如何也建極之治予雖自恧喬木世臣獨不愧乃祖乃父乎  
**己丑**四十五年冬十二月先是 上臨承文院聞皇朝詔勅混藏於清勅櫃中愀然歎曰神州陸沈今過百年而尊周之心未嘗一日忘也今以大明天子之詔混置此櫃中可乎命皇朝詔勅別為一冊名以追感皇恩編令芸館印出差定兩提舉監董至是以一本藏欽奉閣一本親奉置于敬奉閣又櫃藏皇朝馬

牌七百餘置于本院樓上

**庚寅**四十六年夏閏五月 上御崇政殿月臺行望拜禮以 高皇帝諱辰寔在閏五月故也仍命此後若值閏五月則望拜必以閏月舉行定為式復命芸館刊進洪武正韻

**乙未**五十一年秋七月命諸道天朝將士立懂慶設壇致祭時執義柳義養言昔我 宣廟朝乙未大明 神宗皇帝詔本朝設愍忠壇下禮部銀辦祭品致祭于壬辰癸巳天兵之立懂諸慶矣今年乙未太歲三回請依 神

皇聖旨令諸道就天兵之立懂諸慶設壇致祭 上從之

國朝寶鑑別編卷之七

